

Anlangend nuhn die ander Kindtauff / nemlich Herrn Morizen
des andern / etc. haben in dem Ringelrennen / wie auch nachmalen im Bal-
genrennen manteniret / Christopher Herzog zu Braunschweig vnd Lün-
neburgk / vnd Gabriel von Doneb / S. H. Stallmeister. In der andern
Invention hat furnemlich gerennet Herr Friedrich / Churfürst vnd
Pfalzgraf bey Rhein: In der dritten Herzog Johan Ernst zu Sachsen.
in der vierden / nemlich von Actzone, Herr Moritz / Landgraf zu Hessen /
etc. In der fünfften vnd sechsten etliche der Hessischen Ritterschafft: In
der siebenden höchstgedachter Churfürst vnd Pfalzgraf: In der achten
auch hochermelter Landgraf zu Hessen.

Im balgenrennen aber haben abermals ihre Churfürstliche Gna-
de thurnieret in der ersten Compagni dero Adventurirer: vnd darnach in
der andern etliche der Nider Hessischen Ritterschafft.

Vnd demnach ich auch in diesem dem ehrliebenden vnd gutwilli-
gen Leser werde ein genügen gethan haben / als wil ich nu hierauff zu dem
Berck selbs schreiten. Vnd bin der tröstlichen hoffnung vnd zuversicht /
es werde derselbig besagten vnd zu der lehre vorgebildeten Inventionen
besser nachzudencken / ihm selbsein Morale vnd nutzen daraus zu schaffen /
mir auch diese meine arbeit / welche nicht ihrem werd nach / sondern viel
mehr wegen höchstermelter fundatorum oder ersten erfinder dero Durch-
leuchtigsten / Durchleuchtigen / Hochgebornen / meiner gnedigsten Chu-
fürsten / Fürsten vnd Herren sol in achtung gezogen werden / im besten
zu deuten / ihme hierdurch eine gelegenheit machen / vnd einbinden. Hier-
mit Gott befohlen. Geben zu Cassel / den 18 Februarij Anno 1601.

Wilhelmus Dilichius W abera-
nus Heflus.